

For more information, please call/text us at: **0920-911-1398** or visit:
www.philrice.gov.ph | www.pinoyrkb.com | www.openacademy.ph

Agusar ti 40 a kilo a certified a bin-i iti kada ektaria [Panagraep]

Dagiti addang iti panagusar ti 40 a kilo a bin-i iti kada ektarya:

1. *Isagana ti 400 metro kuadrado a pagbunubonan.*
Mabalin nga isagana daytoy kadagiti sumaganad a rukod:

10 nga aray no agrukod iti 2 m x 20 m
20 nga aray no agrukod iti 1 m x 20 m
40 nga aray no agrukod iti 2 m x 5 m

Palagip:

- Napinpintas ti panaglawlaw ti angin no suruten ti umiso a kalawa ti pagbunubonan. Gapu iti daytoy, makapatanor iti nasalun-at a bunubon nga addaan ti adu a gipi ken at-atiddog a ramut.
- No naillet ti pagbunubonan, agbalin a napusjkol unay dagiti mapataud a bunubon, nakukuttong, ken nalulupoy dagitoy.


2. *Ilaok wenno igamer ti organiko nga abono iti rabaw ti pagbunubonan.*

Agaramat iti kompos wenno aniaman a klase ti organiko nga abono kas iti namaga a lugit, napauring a taep (carbonized rice hull wenno CRH), wenno naparupsa a garami. Ikabil ti 200 kilo wenno 5 a kaban nga organiko a ganagan iti 400 metro kuadrado a pagbunubonan.

Palagip:

Parukaen dagiti kompos ken organiko a bambanag ti daga nga agresulta iti:

- Nalaklaka ken al-alisto a panagsekka
- Basbassit dagiti bunubon a madadael ti ramutna



Ti 20 m x 2 m a pagbunubonan



Panagiwaris ti bin-i iti pagbunubonan

3. Pagpapadaen ti kapuskol ti panagiwaris ti 40 kilo a certified a bin-i iti pagbunubonan.

Palagip:

- Bingayen ti 40 kilo a bin-i iti bilang dagiti insagana a pagbunubonan tapno masigurado nga umanay ti ibunubon
- Iwaris ti agarup maysa a kilo a bin-i iti kada 10 metro kuadrado wenno maysa a rakem iti tunggal metro kuadrado.

4. Iraep ti 20 agingga't 25 nga aldaw a bunubon

Iraep a sigud dagiti nasekka a bunubon. Agraepi ti kaaddayo a 20 sm x 20 sm kada disso.

Maysa agingga't tallo a bunubon ti iraep iti kada tugkel/teppel

Palagip:

- Nalangto ken nalapsat ti bunubon no addaan daytoy ti 2-3 a gipi iti tiempo ti panagraep. Ngarud, no iraep ti 1-3 a bunubon iti kada tugkel, addanton ti 3-9 a pinuon iti kada tugkel.
- Nu assideg unay ti panagraep, aglilinninong ken basbassit ti bilang ti gipi ken nataytayag dagiti mula nga agresulta iti nalaklaka a panagdeppes.



Bunubon a pangraep

Reviewed by:

Glen Y. Ilar

Translated by:

Cecilio Cases

Ida Baptista

Leah May Tapeç

Silvestre Briones

Alvin Bondoc

Alma Aguinaldo

Language Editors:

Bethzaida M. Catudan

Leah May dC. Tapeç

Maribel B. Alupay

Reynold M. Caoili